



zas der die stat Byzantium gebawenn hat. sandt über  
mer brieff zu dem künig in mozen lannd mit name Pho  
ol zu seynem brüder der ain fürst was seines hers. vnd  
schrib im von Chuseth der müter des grossen Alexan  
ders. wie das er sy nem zu ayner eelichen frawen. Vnd  
schaff das sy auch regniere. Als nun der künig Phool  
entpfieng die brieff von seynem brüder / vnd sach die al  
ler überflüssigisten gabē. die im geschickt warē entpfieng  
er die / vnd ward vast gefrōwet. Aber er ist auff gestan  
den. vnd versamlet zu samen auß allen wolriechenden  
dingen des mozen lannds. vnd name auch mit im seyn  
tochter Chuseth / vnd ist gezogen gen Byzantz mit .xxx.  
tusend mozen / vnd wardt entpfangen zehand mit gros  
ser frōlichkeit von Biza vßen eener dem mer in Calcedo  
nier land. Vnd Phool gieng eyn frōlich. Vnd gab  
gros vnd aller grōst gaben nach dem vnd zymmet die  
küniglich großmächtygkayt.

Wie Romulo dem ersten künig der  
Römer ayn hüßfraw von Constan  
tinopel über mer i schiffē zugefürt ward

Romulus  
der erst künig  
zu rom

**U**nd der künig Byzas nam Chuset die tochter d  
mozen künigs zu ayner eelichen frawenn. auß der  
ist geboren ayn tochter die er nennet nach dem namenn  
der stat Byzantium. Mit diser hat eeliche hochzeyt ge  
macht. Romulus auch genent Armeleus ayn künig zu  
Rom. vnd vmb jr grosse hübsche. hat er sy fast lieb ge  
habt. Er was fast ainfeltig. vnd großmächtyg Hierüb  
zu ayner eelichen begabung gab er jr Rom. Und als dz

30

28

34

24

39

19

Ende

Anfang